



PROWEIN 2023

Informazio gehiago:

María Fernández de Romarategui
945 14 18 00
internacional@camaradealava.com

2023ko martxoaren 19-21

Tokia: Düsseldorfeko (Alemania) azoka esparrua

Maiztasuna: Urtero

Sektorea: Mahastizaintza eta Ardogintza industriako profesionalak

Izena emateko epea: 2022ko uztailaren 18a

Azokaren webgunea: www.prowein.com

Parte hartzearen kostua:

Stand indibiduala: 2.592 € + 21% BEZ

Stand partekatua: 1.296 € + 21% BEZ

Eusko Jaurlaritzako Ekonomiaren Garapen, Jasangarritasun eta Ingurumen Sailak, Elikaduraren Euskal Industria kanpoan sustatzen laguntzeko jardueren barruan, **PROWEIN 2023** azokan Euskadiko enpresen baterako parte hartzea antolatu du HAZIren bitartez. Azoka, Düsseldorf-en (Alemania) ospatuko da 2023ko martxoaren 19tik 21ra.

AZOKAREN IZAERA



2021ean, Alemania izan zen ardoen munduko lehenengo herrialde inportatzailea bolumenari dagokionez, eta hirugarrena balioari dagokionez, Ameriketako Estatu Batuen eta Erresuma Batuen atzetik. Hiru herrialde hornitzaile nagusiek (Italia, Frantzia eta Espainia) banatzen dute inportazioen merkatuko kuotaren % 80tik gora, balioari dagokionez: Italia, % 40,5; Frantzia, % 28,5, eta Espainia, % 12,9.

Alemania izan zen 2021ean Espainiako ardoen esportazioen helmuga nagusia balioari dagokionez (397 milioi euro). Bolumenari dagokionez, berriz, 2021ean, 4,93 milioi hl esportatu ziren guztira, batezbesteko balioa 80,52 €/hl izanik. Euskadiren kasuan, Alemania esportazioen laugarren postuan dago baliori dagokionez eta hirugarren postuan bolumenari dagokionez, 34.838 hektolitroko bolumenarekin eta hektolitroko 563 €-ko balioarekin. Horiek horrela, 2021ean behatutako joerek adierazten dute Alemaniak izaten jarraitzen duela ardoen funtsezko merkatua.

Azoka hori Europako garrantzitsu eta esanguratsuentzat finkatu da, eta erakusketarien artean, ardoen eta beste edari alkoholodun batzuen munduko ekoizle nagusiak ditu. 2021ean, gauzatu zen azken edizioan, ProWein azokak erakusketari eta bisitari gutxiago izan zituen, COVIDaren inguruabarren ondorioz datak aldatu baitziren. 2023an, azokak bere ohiko datak berreskuratuko ditu.

Azoka publiko profesionalarentzat da soilik, eta bertara joaten diren bisitariak banaketa-kanaletako erosle adituak dira (handizkariak, hotelen industria, cateringa, txikizkari espezializatuak, inportatzaileak, banaketa-kate handiak, etab.)

Euskadi Basque Country Stand-a

Eusko Jaurlaritzak 290 m²-ko espazioa izango du PROWEIN 2023 azokan stand indibiduala edo stand partekatua izanik **parte hartu nahi duten Euskadiko mahastizaintza- eta ardogintza industriako enpresentzat**. Standa Espainiako eta Portugalgo ardoak izango dituen azoka-pabiloian egongo da.

Euskadiren ordezkaritzak edukiera mugatua dauka. Eskuragarri dagoen espazioa baino enpresa interesdun gehiago izanez gero, **izena emateko ordena zorrotzari** jarraituz egingo da hautaketa.

PROWEIN AZOKAREN DATUAK

- Erakusketa eremua: 68.000 m² baino gehiago
- Azokaren ordutegia: 09:00etatik 18:00etara
- Erakusleak 2022an:
62 herrialdetako 5.700 enpresa.
- Bisitariak 2022an:
mundu osoko 145 herrialdetako 38.000 profesional.
- Azokaren webgunea: www.prowein.com

PARTE HARTZEKO BALDINTZAK



Egoitza Euskadin duten eta Ekonomiaren Garapen, Jasangarritasun eta Ingurumen Sailaren Elikagaien Industrien Erregistroan inskribatuta dauden enpresa ekoizleak baino ezingo dute parte hartu ekitaldi honetan.

Azokaren aurretik

- Enpresak ordezkari bat bidaltzeko konpromisoa hartuko du eta kuota ordainduko du. **Euskadiren pabiloian egongo dela jakinarazi ondoren, ezin izango da baja eman.** Ezinbesteko kasuetan, eta horietan baino ez, Eusko Jaurlaritzak eskubidea izango du enpresak aurkeztutako arrazoiak aztertu eta, behin-behinean, ordaindutako zenbatekoaren zati bat itzultzeko.
- Enpresek nahitaez agertu beharko dute ekitaldia hasiko den egunaren bezperan, adierazitako orduan, merkantzia jasotzeko eta beren standen dekorazioa azkentzeko, ekitaldia hasi baino lehen, nahikoa aurrerapenarekin.

Azokan zehar

- Erakusten diren produktuek soilik Euskadin ekoizitakoak izan beharko dute. Inola ere ezin izango da ez aipatu, ez aurkeztu, beste autonomia erkidego batzuetako produkturik.
- Bere standean egon azokako egun guztietan eta irekiera-ordutegi osoan.

Enpresa azokaren ordutegi ofizialean standetik joango balitz arrazoitutako aparteko arrazoirik gabe, azokaren hurrengo edizioan galdu egingo lituzke lehentasunezko eskubideak (izena emateko hurrenkera, etab...). Haren eskariari izena emateko eta ordainketa egiteko datetan egin diren gainerako eskariak aintzat hartu ostean baino ez litzaioke erantzungo.

Halaber, enpresa batek edo hainbatek standa uztearen ondorioz Eusko Jaurlaritzak, bertaratze taldekatuaren antolatzailea izanik, azokaren antolakuntzaren aldetik zehapen ekonomikoren bat jasoko balu, zehapen hori berehala jasanaraziko litzaioke arau haustea eragin duen enpresari edo enpresei.

- Azoka amaitzean, enpresak egoki jaso beharko ditu bere produktuak, eta standeko elementuak jaso zituen egoera berean bueltatu beharko ditu.

Azokaren ondoren

- Ebaluazio-inkesta egin; antolakuntzaren jarraibideen arabera bete eta entregatu beharko dute.

PARTE HARTZEKO EREDUA ETA KOSTUA



Parte hartzeko eredua

Eusko Jaurlaritzaren standak kalitatezko ardoak (JD duten ardoak), JD duen txakolina eta/edo beste edari alkoholdun batzuk ekoizten dituzten Euskadiko Elikagai Industriako enpresak hartuko ditu.

Alemaniko merkatuak gure esportazioetarako merkatu nagusietako bat denez, Eusko Jaurlaritzak jarduerari babes handia ematea erabaki du, eta bi partaidetza-mota proposatu ditu:

- **Stand INDIBIDUALA**ren eredua
- **Stand PARTEKATUA**ren eredua
(gune komuna, bereizgailurik gabe enpresen artean)

Parte hartzearen kostua

ProWein 2023 azokan parte hartzeak honako kostu hau izango du:

- **Stand indibiduala:** 2.592 € + BEZ %21 = 3.136,32 €
- **Stand partekatua:** 1.296 € + BEZ %21 = 1.568,16 €

GARRANTZITSUA:

Espazioa mugatua denez, bermatutako stand indibidualen kopurua mugatua izango da. Stand indibidualen adjudikazioa gainditu ondoren, modalitate hori espazioa erabilgarri egotearen arabera izango da, izen-ematea dataren barruan eta forma egokian egiten duten enpresa guztien presentzia bermatu ondoren.

Stand indibidualak izen-ematea osatu dutenen ordena zorrotzari jarraituz adjudikatuko dira, eta ezinbestekoa izango da ordainketaren frogagiria bidaltzea eta behar bezala izena ematea formularioaren bitartez.

EUSKO JAURLARITZAREKIN PARTE HARTZEA



Izena emateko epea: **2022ko uztailaren 18**

Leku kopurua mugatua denez, gomendatzen dugu lehenbailehen izena emateko formularioa betetzea eta ordainagiria bidaltzea, Maria Fdez. de Romarateguiri zuzenduta:

internacional@camaradealava.com

Enpresa parte hartzaileen hautaketa izena emateko dokumentuak jasotzen diren hurrenkeraren arabera egingo da.

IZENA EMATEKO FORMULARIOA BETE



Formularioan eskatzen den informaziotik datuak zehazki transkribatuko dira, azokaren katalogo ofizialerako eta prestatzen diren gainerako elementu promozionaletarako.

KUOTAREN ORDAINAGIRIA

Kontu zenbakia: **ES49 3035-0179-61-1791069900** Laboral Kutxa HAZIren izenean.

Kontzeptua: **"Enpresaren izena + PROWEIN 2023"**

HAZI Fundazioko Finantza Departamentuak dagokion zenbatekoaren faktura igorriko dizue, izena emateko epea amaitu eta parte hartzea baieztatu eta gero.

IZENA EMATEKO EPEA: 2022ko uztailaren 18

EUSKO JAURLARITZAREKIN PARTE HARTZEA



GARRANTZITSUA:

Izen-ematea formalki egintzat jotzeko **IZENA EMATEKO FORMULARIOA BETE** eta **ORDAINAGIRIA IGORRI** beharko da. Ondorio guztietarako, izen-ematea ordaindu den eguna hartuko da izen-emateko datatzat.

Eskatutako izena emateko formularioa betetzeak **EZ DAKAR** enpresak Euskadiren pabiloian parte hartzea; izen-ematea onartu dela jakinaraziko da.

ENPRESAK FAKTURA JASO, HAU DA, EUSKADIREN STANDEAN SARTZEAREN JAKINARAZPENA JASO ONDOREN PARTE-HARTZEARI UKO EGITEN BADIO, ORDAINDUTAKOAREN % 100 GALDUKO DU. Ezinbesteko kasuetan, eta horietan baino ez, Eusko Jaurlaritzak eskubidea izango du enpresa erakusketariak aurkeztutako arrazoiak aztertu eta, behin-behinean, ordaindutako zenbatekoaren zati bat itzultzeko.

Enpresek ordaindutako zenbatekoak itzultzeko kasu hauek baino ez dira kontuan hartzen:

- Enpresa erakusleek eskatutako gunea Azokaren Antolakuntzak Eusko Jaurlaritzari esleitutako gunea baino handiagoa bada, hautatu ez diren enpresek eskubidea izango dute aurrez izena emateko kuota itzultzeko.
- Eusko Jaurlaritzak halabeharrez edo nahiko partaiderik ez dagoelako parte hartzea bertan behera uzten badu, enpresek eskubidea izango dute ordaindutakoaren %100 jasotzeko.

ESKAINITAKO ZERBITZUAK



Eusko Jaurlaritzako Ekonomiaren Garapen, Jasangarritasun eta Ingurumen Sailak, HAZIren bitartez, zerbitzu hauek eskainiko ditu:

Espazioaren kontratazioa

Sustapen-espazioa izanez parte hartuko da. Espazio horrek gutxi gorabehera 9m²-ko stand indibidual pertsonalizatuak izango ditu enpresa erakusketari bakoitzarentzat, bai eta stand partekatuen gune bat ere.

Espazioaren dekorazioa

Standean egongo diren oinarritzko dekorazioa eta altzariak berdinak izango dira Euskadiko erakustokiko erakusle guztientzat, eta elementu hauek izango dituzte:

- **Stand Indibidualean:** 1 mahai eta 4 aulki, erakusmahai, enpresa erakusketariaren errotulua, konexio elektrikoa eta biltegia hozkailuarekin; azken hori beste enpresa batekin partekatu daiteke. Harraska erabilera komunitarioko eremu batean egongo da.
- **Stand Partekatuan:** erakusmahai eta aulkia, enpresa bakoitzaren errotulua, bileren mahai, biltegia hozkailuarekin, erabilera komunitarioko harraska, eta konexio elektrikoa.

Oharra: Harraskak ez dira sartzen stand indibidualetan. Gune komun batean jarriko dira.

Standetako oinarritzko altzarien, elementu elektrikoaren edo premia elektrikoaren edozein aldaketa, horiek gehitzea edo aldatzea badakar, erakusketari bakoitzak kontratatuko du zuzenean, eta dekoratzaileak zuzenean fakturatuko duen kostu erantsiarekin ordainduko du.

Merkantziaren garraioa

Eusko Jaurlaritzak merkantziaren taldeko bidalketa antolatuko du garraiolariak adierazitako puntu komun batetik standera bertara entregatu arte.

Merkantzia bidaltzearen kostua garraiolariak fakturatuko du eta enpresa erakusketariak ordaindu beharko du osorik.

Dagokion garaian, enpresa garraiolari adjudikaziodunaren datuak helaraziko dira.

Eusko Jaurlaritza ez da taldeko bidalketatik kanpo bidaltako merkantzien harreraren eta segurtasunaren ardurdun izango.

Enpresek bertan egon beharko dute merkantzia hartzeko garaian, adieraziko zaien orduan, eta bertan egon beharko dute, halaber, standen dekorazioa azkentzeko, ekitaldia hasi aurretik, nahikoa aurrerapenarekin. Adierazitako orduan merkantzia jasotzera joaten ez diren enpresei zehapena jarri ahal izango zaie.

Standa mantentzeko lanak (garbiketa, elektrizitatea, ura)

Eusko Jaurlaritza arduratuko da garbiketa-, elektrizitate- eta ur-zerbitzuez, besteak beste, bai eta, oro har, standaren mantentze egokiaz ere. Hala ere, enpresa bakoitza izango da bere stand garbitasun-baldintza egokietan izatearen erantzulea.

ESKAINITAKO ZERBITZUAK



Kopa eta listu ontzien zerbitzua

Eusko Jaurlaritzak kopen, garbiketaren eta listu-ontzien kontratazioa koordinatuko du. Zerbitzu hori % 100 finantzatuko da kopen eta listu-ontzien lehenengo erretilurako. Enpresa erakusketariak elementu gehiago kontratatu nahi baditu, eskaria zuzenean kudeatu beharko du zerbitzuaren hornitzailearekin, aldez aurretik antolakuntzari horren berri eman ondoren, azokan eskariaren harrera koordinatu ahal izateko.

Azokaren katalogo ofizialean sartzea

Eusko Jaurlaritzak beharrezko izapideak egingo ditu azokan parte hartuko duten enpresa erakusketari guztiak azokaren antolakuntzak argitaratzen duen katalogo ofizialean inskribatuta ager daitezen. Katalogo horretan agertzen dira erregistratuta ekitaldiaren erakusketari guztiak (izena emateko formularioan jasotako datuak agertuko dira).

